



# CONVENIO DE COLABORACIÓN PARA A CONCESIÓN DUNHA SUBVENCIÓN DIRECTA DE CARÁCTER EXCEPCIONAL POR PARTE DO CONCELLO DE PONTEAREAS A FAVOR DA COMUNIDADE DE MONTES VECIÑAIS EN MAN COMÚN DE XINZO PARA O MANTEMENTO DO ASCENSOR E SALVAESCALEIRAS DO EDIFICIO DO CENTRO CULTURAL XINZO

## REUNIDOS

Dunha parte, don JUAN CARLOS GONZÁLEZ CARRERA, con DNI 35561703T, 1º tte. da alcaldesa do Concello de Ponteareas, que ten a competencia delegada mediante Decreto de Alcaldía núm. 2023-2084, do 19 de outubro de 2023, que intervén en nome do Concello de Ponteareas

Doutra parte, don José Manuel Lorenzo Varela, que intervén no nome e representación da COMUNIDADE DE MONTES VECIÑAIS EN MAN COMÚN DE XINZO (en diante, CMVMC de Xinzo), con CIF V36021756 e enderezo a efectos de notificacións en Edificio Centro Cultural Xinzo, Lugar A Portela, 34 na parroquia de Xinzo - Ponteareas, e con capacidade legal en base ao acordo tomado pola Asemblea Xeral da Comunidade no día 22 de xaneiro do 2022.

Ámbalas partes recoñécense con capacidade dabondo para formalizar o presente convenio.

## EXPOÑEN e ACORDAN:

1.- Vista a memoria xustificativa asinada polo Concelleiro de Cultura, Juan Carlos González Carrera

*A CMVMC de Xinzo é a entidade propietaria do Centro Cultural Xinzo. Esta entidade financiou no seu momento a construción deste edificio, sen embargo, dende a súa inauguración este Centro Cultural está aberto a todo o público, non estando limitado o seu acceso a ningún condicionante social nin económico. Isto significa que funciona subsidiariamente como un edificio público con gran actividade social.*

*O propio Concello de Ponteareas celebra e organiza actividades no propio Centro Cultural Xinzo, sendo tamén sede de todos os procesos electorais.*

*Este Centro Cultural é o único edificio destas características que é xestionado por unha entidade privada. Isto xustifica a convocatoria desta subvención directa de carácter excepcional, porque se optásenos pola convocatoria desta subvención en concorrència competitiva, ningunha entidade análoga podería concorrer ao non cumprir os requisitos de participación atendendo exclusivamente ás súas propias características.*

*O importe da subvención é de 2.000,00 euros que estará regulado por un convenio nominativo que se asinará. Este importe deberá xustificarse antes do 10 de novembro de 2025.*



*O obxecto desta subvención destínase a financiar o mantemento anual 2025 do elevador e da plataforma salvaescaleiras coa que conta o edificio, e a adquisición dunha consola para a plataforma por un importe máximo de 2.000,00 euros.*

*O elevador e salvaescaleiras ten unha función esencial para permitir a participación de todas as persoas na actividade do Centro Cultural. Unha falta do seu mantemento afecta negativamente á accesibilidade da poboación con mobilidade reducida, polo que garantir o mantemento deste edificio contribúe a inclusión de persoas con discapacidade promovendo a súa vez a participación dun público mais diverso.*

2.- Que, en base aos principios de colaboración, cooperación, coordinación e eficacia que deben presidir as actuacións das Administracións Públicas, o Concello de Ponteareas e a Comunidade de Montes Veciñais en Man Común de Xinzo (CMVMC de Xinzo) asinan un convenio de colaboración para a mellora da accesibilidade ao edificio do Centro Cultural Xinzo, polo que o Concello de Ponteareas comprométese a colaborar coa CMVMC de Xinzo cunha subvención directa de carácter excepcional segundo o recollido no apartado 46 das bases de execución do orzamento 2025. Esta subvención ten un importe de 2.000,00 euros (dous mil euros), IVE incluído, que corresponden cos gastos de mantemento do salvaescaleiras e o ascensor e a adquisición dunha consola para a plataforma salvaescaleiras cos que conta o edificio do Centro Cultural Xinzo. Para isto dispónse do crédito necesario na partida orzamentaria 33000/4802601.

3.- Que a Comunidade de Montes Veciñais en Man Común de Xinzo comprométese a aplicar a subvención soamente aos gastos indicados no punto anterior, comprometéndose a presentarlle ao Concello as facturas e os xustificantes dos pagamentos realizados por estas actuacións.

4.- Establécese como obxecto desta subvención as facturas pagadas pola CMVMC de Xinzo no período comprendido entre o 1 de xaneiro e 15 de novembro do 2025, para realización das accións comprometidas que xustifican o destino desta subvención.

5.- Estas actuacións deberán estar acreditadas e xustificadas ante o Concello de Ponteareas antes do 15 de novembro do ano 2025.

6.- Para considerar acreditadas e xustificadas as actuacións da Comunidade de Montes, deberá presentar a través do Rexistro Xeral do Concello a seguinte documentación, tal e como se establece na Base 46ª.X do orzamento municipal de 2025 como conta xustificativa do gasto realizado:

- Facturas orixinais de gasto ou fotocopias debidamente compulsadas.
- Indicación expresa de que se realizou o fin para o que foi concedida.
- En todos os casos, deberá acreditarse o pagamento mediante presentación do xustificante de transferencia bancaria ou recibín do preceptor, se o pagamento foi en metálico, con indicación do Documento de Identidade, sinatura e nome e apelidos do mesmo, así como as acreditacións de non ter débedas fiscais nin sociais coa



Seguridade Social, Administración do Estado e Administración autonómica.

- Declaración de non ser beneficiaria doutras subvencións públicas para a mesma finalidade.

7.- O Concello de Ponteareas comprométese a facer efectivo o importe das subvencións á Comunidade de Montes de Xinzo mediante ingreso na conta bancaria que rexenta a Comunidade de Montes.

8.- As actuacións da Comunidade de Montes que resulten cubertas con esta subvención non poderán seren aplicadas a ningunha outra subvención ou axuda económica de calquera organismo público. O incumprimento deste requirimento obriga á Comunidade de Montes á devolución inmediata da parte da subvención recibida correspondente as actuacións polas que se incumpra, ou a totalidade da subvención, se for o caso.

9.- Este convenio, unha vez asinado, debe remitirse á Base de Datos Nacional de Subvencións e publicarse no portal de transparencia do Concello de Ponteareas.

En proba de conformidade, as partes asinan electronicamente o presente convenio.

